

अथे॒तर ऐ॒न्द्रः पु॒रोडा॑शः स्यात् । इ॒न्द्रि॒ये ए॒वास्मै॑
स॒मीची॑ दधाति । पयो॒ वा ओष॑धयः । पयः॒ पयः॑ । प-
य॒सैवा॒स्मै पयोऽव॑रुन्धे । अथोत्त॑रस्मै ह॒विषे॑ व॒त्सान॒पा-
कु॑र्यात् । सैव ततः प्रायश्चि॒त्तिः । उ॒भया॑न् वा ए॒ष दे॒-
वान् भा॒गधे॑येन व्य॒र्द्धय॑ति । ये यज॑मानस्य सा॒यञ्च
प्रा॒तश्च गृ॒हमा॒गच्छ॑न्ति । यस्यो॒भयः॑ ह॒विरा॒र्त्तिमा॒र्च्छ-
ति ॥ ७ ॥

ऐ॒न्द्रं प॒ञ्चश॑रावमोद॒नन्निर्व॑पेत् । अ॒ग्निं दे॒वता॑नां
प्रथ॒मं य॑जेत् । अ॒ग्निमु॒खा ए॒व दे॒वताः॑ प्रीणाति । अ॒ग्निं
वा अ॒न्व॒न्या दे॒वताः॑ । इ॒न्द्रम॒न्व॒न्याः । ता ए॒वो॒भयीः॑
प्रीणाति । पयो॒ वा ओष॑धयः । पयः॒ पयः॑ । पय॒सैवा॒स्मै
पयोऽव॑रुन्धे । अथोत्त॑रस्मै ह॒विषे॑ व॒त्सान॒पाकु॑र्यात् ॥
॥ ८ ॥

सैव ततः प्रायश्चि॒त्तिः । अ॒द्वा वा ए॒तस्य॑ य॒ज्ञस्य॑ मी-
यते । यस्य ब्र॒त्येह॑न् प॒त्यना॑लभु॒का भ॑वति । ताम॑प-
रु॒ध्य य॑जेत । स॒र्वैरे॒व य॒ज्ञेन॑ यजते । तामि॒ष्टोप॑ह्वयेत ।
अ॒मूह॑म॒स्मि । सा त्व॑म् । द्यौर्ह॑म् । पृथि॒वी त्व॑म् ॥ सा-
मा॒हम् । ऋ॒क्लम् । तावे॒हि स॒म्भवा॑व । स॒ह रे॒तो द॑धा-
व॒है । पु॒से पु॒त्राय॑ वे॒त्तवै॑ । रा॒यस्यो॑षाय सुप्रजा॒स्त्वाय॑